

TARIKH	24 / 6 / 2015	SEKSYEN	Pendidikan
MUKA SURAT	14	RUANGAN	

» Smart English Camp anjuran TH dengan kerjasama BH beri keyakinan 150 pelajar berbahasa Inggeris

Oleh Mohd Hazlile Zainul upen@bh.com.my

Kota Kinabalu

Smart English Camp anjuran Tabung Haji (TH) dengan kerjasama BH berlangsung meriah dengan pelbagai pengisian menarik diadakan di Dewan Matakang, Perpustakaan Kota Kinabalu, di sini, baru-baru ini.

Program sehari itu adalah lokasi pertama bagi tahun ini sebelum diteruskan ke lima lokasi lain di Negeri Sembilan, Kedah, Pahang, Melaka dan Selangor.

Diadakan serentak dengan Seminar Bimbingan Peperiksaan PT3 di Sandakan, program Smart English Camp itu disertai seramai 150 pelajar sekolah menengah daripada tujuh sekolah sekitar Kota Kinabalu dan daerah berhampiran.

Antara sekolah terbabit ialah Sekolah Menengah Kebangsaan (SMK) Kinarut, Sekolah Menengah Kebangsaan Agama (SMKA) Tun Datu Mustapha dan SMKA Tun Ahmadshah.

Timbalan Pengarah TH Sabah, Mustafa Kamal Abdul Latif, berkata penganturan program itu adalah kali kedua di Sabah selepas jujung kalinya diadakan pada tahun lalu.

Mustafa Kamal berkata, selain memberi pendedahan mengenai teknik mempelajari bahasa Inggeris, objektif utama Smart English Camp antara lain bertujuan menanam minat menabung dalam kalangan pelajar sekolah.

"Satu daripada syarat bagi pelajar yang berminat menyertai semua program anjuran TH, mereka hendaklah mempunyai akaun TH. Secara tidak langsung, kita dapat menanam tabiat menabung dalam diri anak-anak ketika usia muda lagi."

"Selain itu, penyertaan pelajar dalam seminar ini dapat mengembangkan lagi kemahiran insaniah mereka seperti berkomunikasi serta membiasakan diri bergaul dengan masyarakat," katanya.

Konsep santai
Mustafa Kamal berkata, konsep yang diketengahkan sepanjang program itu lebih santai dengan pengisian pengajaran dalam bentuk permainan dan perbincangan secara berkumpulan.

Beliau berharap lebih banyak penganturan seminar berunsurkan pendidikan diadakan pada masa akan datang dan bercadang untuk membawa program anjuran TH ke

Tingkat kemahiran insaniah



"Selain itu, penyertaan pelajar dalam seminar ini dapat mengembangkan lagi kemahiran insaniah mereka seperti berkomunikasi dan membiasakan diri bergaul dengan masyarakat"

Mustafa Kamal Abdul Latif, Timbalan Pengarah TH Sabah



Sebahagian daripada murid yang menyertai Smart English Camp anjuran TH dengan kerjasama BH di Dewan Matakang, Perpustakaan Kota Kinabalu. (FOTO MOHD HAZLILE ZAINUL/BH)



kawasan pedalaman Sabah bagi membantu pelajar luar bandar.

Sementara itu guru SMKA Tun Ahmadshah, Inanam, Fari-sia Assadoi, 30, berkata pembabit-an pelajarannya dalam Smart English Camp anjuran TH itu memberi pendedahan berbeza berbanding ketika belajar dalam kelas formal di sekolah.

Lebih berani berkomunikasi

"Saya lihat mereka lebih berani untuk berkomunikasi dalam bahasa Inggeris, mungkin kerana faktor suasana pembelajaran dan keakraban bersama rakan yang turut serta dalam program ini membuatkan mereka lebih berkemahiran," katanya yang mengiringi 35 pelajar sekolah itu.

Seorang peserta, Mohd Shafie Barahim, 17, berkata penyertaannya dalam seminar itu memberikan lebih kefahaman dan mampu memperbaiki kelemahan dalam bahasa Inggeris sebelum menduduki peperiksaan Sijil Pelajaran Malaysia (SPM) pada hujung tahun ini.

"Seronok menyertai seminar ini kerana saya berpeluang mempelajari teknik menjawab soalan dengan mudah."

"Saya juga dapat bertemu dengan rakan baharu dari sekolah lain dan boleh bertukar pendapat serta buah fikiran bagi memperbaiki kelemahan berbahasa Inggeris, sama ada ketika berkomunikasi atau menjawab soalan peperiksaan," kata pelajar Tingkatan Lima, SMKA Tun Datu Mustapha, Papar itu.

Antara aktiviti pada program Smart English Camp anjuran TH dengan kerjasama BH yang berlangsung di Dewan Matakang, Perpustakaan Kota Kinabalu. (FOTO MALAI ROSMAH TUAH/BH)